



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0021911 22
Sarajevo, 15.11.2022. godine

SUD BOSNE I HERCEGOVINE-
-Sudiji za prethodno saslušanje-

Na osnovu člana 35. stav 2. tačka a.) i člana 226. stav 1. i člana 227. stav 1. Zakona o krivičnom postupku Bosne i Hercegovine, p o d i ž e m:

OPTUŽNICU

Protiv:

IRMANE HUSETIĆ,

rođene 1981. godine u Bihaću,

državljanke BiH,

ASMINA HADŽIPAŠIĆA

rođenog 1986. godine u Bosanskoj Krupi,

državljanina BiH,

Što su:

1. Irmana Husetić i Asmin Hadžipašić zajedno:

Dana 03.03.2022.godine oko 20,40 časova, postupali protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija Ujedinjenih nacija protiv transnacionalnog i organizovanog kriminala („Službeni glasnik BiH broj: 37/02“) tako što su na dionici autoputa E661 Banja Luka- Gradiška na Mahovljanskoj petlji u mjestu Mahovljani, općina Laktaši, zatečeni od strane pripadnika MUP-a Republike Srpske, PU Banja Luka PS Laktaši, prilikom prevoza 7 /sedam/ migranata državljana Republike Indije i to:

[REDACTED], a znajući da se radi o migrantima, koji su ilegalno ušli na teritoriju BiH, između BiH i Republike Srbije, van graničnih mjesta otvorenih za međunarodni promet i to protivno članu 7. stav 2. Zakona o graničnoj kontroli („Službeni glasnik BiH broj: 53/09, 54/10 i 47/14“) i koji nisu posjedovali putnu ispravu, vizu ili odobrenje za zakoniti ulazak i boravak u BiH, a kako je to propisano članom 8.stav 1.Zakona o strancima („Službeni glasnik broj: 88/15“) i znajući da ne ispunjavaju uslove za zakonit boravak u BiH, iste preuzeli u Sarajevu i s namjerom da ih sakriju i prevezu prema mjestu Orahova općina Gradiška i omoguće im boravak u BiH, tako što je Irmana Husetić na njoj poznatoj lokaciji primila ih u putničko motorno vozilom marke „Ford Transit Conect“ [REDACTED], registarskih oznaka [REDACTED]

[REDACTED], a koje je Asmin Hadžipašić prethodno pribavio i s kojim su došli iz Sarajeva, te su prilikom kretanja na relaciji Sarajevo-Gradiška, na dionici autoputa E661 Banja Luka- Gradiška na Mahovljanskoj petlji u mjestu Mahovljani, općina Laktaši, nakon što su vozilo usljed kvara zaustavili pored autoputa, Irmana Husetić izvela 7 lica-migranta iz vozila i sakrila u rastinju pored autoputa, koja je kada je uočila policijsko vozilo počela bježati i koja je intervencijom policijskih službenika lišena slobode, kontrolisani od strane ovlaštenih službenih lica MUP-a Republike Srpske, PU Banja Luka PS Laktaši., koji su prilikom kontrole vozila uočili Asmina Hadžipašića u vozilu na mjestu suvozača dok su daljim pregledom terena uočili navedena lica-migrante, a koja lica prilikom legitimisanja nisu posjedovala putne isprave, niti vize za boravak na teritoriji BiH,

2. Irmana Husetić sama:

Dana 18.03.2022.godine oko 18,15 časova, postupala protivno članu 6. Protokola protiv krijumčarenja migranata kopnenim, morskim i vazdušnim putem kojim se

dopunjuje Konvencija Ujedinjenih nacija protiv transnacionalnog i organizovanog kriminala („Službeni glasnik BiH broj: 37/02“) tako što je na graničnom pojasu na šumskom makadanskom putu koji vodi od mjesta Liskovača, općina Tomislavgrad, kontrolisana od strane pripadnika mobilne patrole Postrojba granične policije za Potporu i Kontrolu, Bosansko Grahovo, prilikom prevoza 3/tri/ migranta državljana Afganistana i Irana i to:

[REDACTED], a znajući da se radi o migrantima, koji su ilegalno ušli na teritoriju BiH, između BiH i Republike Srbije, van graničnih mjesta otvorenih za međunarodni promet i to protivno članu 7. stav 2. Zakona o graničnoj kontroli („Službeni glasnik BiH broj: 53/09, 54/10 i 47/14“) i koji nisu posjedovali putnu ispravu, vizu ili odobrenje za zakoniti ulazak i boravak u BiH, a kako je to propisano članom 8. stav 1. Zakona o strancima („Službeni glasnik broj: 88/15“) i znajući da ne ispunjavaju uslove za zakonit boravak u BiH, iste preuzela u Sarajevu i sa namjerom da ih sakrije i preveze prema gradu Livno i omogućiti im boravak u BiH primila ih u putničko motorno vozilo marke VW tip Passat, registarskih oznaka [REDACTED]

[REDACTED] koje je prethodno iznajmila za navedenu svrhu i s kojim je došla iz Sarajeva, te su prilikom kretanja na relaciji Sarajevo-Livno, na graničnom pojasu Postrojbe Granične policije Kamensko na sektoru A-2 Kamenesko na lokalitetu Liskovača, općina Tomislavgrad, zaustavljena od strane ovlaštenih službenih lica mobilne patrole PGP za potporu i kontrolu Bosansko Grahovo koji su prilikom kontrole uočili navedena lica u vozilu marke VW tip Passat, registarskih oznaka [REDACTED]

[REDACTED] kojim je upravljala Irmana Husetić, a koja lica prilikom legitimisanja nisu posjedovala putne isprave, niti vize za boravak na teritoriji BiH,

Dakle, prevozili krijumčarena lica u Bosni i Hercegovini, omogućivši im na taj način boravak u BiH,

Čime su počinili,

- pod tačkom 1. krivično djelo Krijumčarenje ljudi iz člana 189. stav 2. u vezi sa članom 29. Krivičnog zakona BiH;
- pod tačkom 2. krivično djelo Krijumčarenje ljudi iz člana 189. stav 2. u vezi sa članom 54. Krivičnog zakona BiH

**TUŽILAC-TUŽITELJ
TUŽILAŠTVA-TUŽITELJSTVA BiH**